

REGLUGERÐ FRAMKVÆMDASTJÓRNARINNAR (EB) nr. 68/2003**2005/EES/58/30**

frá 16. janúar 2003

um notkun upplýsinga úr öðrum heimildum en tölfræðilegum könnunum og fresti til að skila niðurstöðum könnunar 2003 á framleiðsluskipan á bújörðum (*)FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 571/88 frá 29. febrúar 1988 um skipulag tölfræðilegra kannanna í Bandalaginu á framleiðsluskipan á bújörðum⁽¹⁾, eins og henni var síðast breytt með reglugerð framkvæmdastjórnarinnar (EB) nr. 143/2002⁽²⁾, einkum 2. mgr. 8. gr. og 5. lið II. viðauka,

og að teknu tilliti til eftirfarandi:

- 1) Í samræmi við 2. mgr. 8. gr. reglugerðar ráðsins (EBE) nr. 571/88 hafa tiltekin aðildarríki beðið um heimild framkvæmdastjórnarinnar til að nota fyrirbyggjandi upplýsingar um tiltekna eiginleika úr öðrum heimildum en tölfræðilegum könnunum.
- 2) Niðurstöður könnunarinnar á framleiðsluskipaninni skipta afar miklu máli fyrir sameiginlegu landbúnaðarstefnuna. Nauðsynlegt er að áfram verði vandað til upplýsinga og eru gögn úr öðrum heimildum en tölfræðilegum könnunum því aðeins nothæf að þau séu jafnáræiðanleg og gögn úr tölfræðilegum könnunum.
- 3) Framkvæmdastjórnin skal ákveða fresti til að tilkynna um gögn úr einstökum könnunum á framleiðsluskipan bújarða 2003 og skal hún taka mið af því að tímaáætlun um framkvæmd könnunarinnar er breytileg eftir aðildarríkjum.
- 4) Mikilvægi niðurstaðna úr könnuninni á framleiðsluskipaninni fyrir sameiginlegu landbúnaðarstefnuna og vaxandi eftirspurn eftir dagréttum gögnum gerir það að verkum að vinna þarf úr gögnunum og tilkynna til framkvæmdastjórnarinnar (Hagstofu Evrópubandalaganna) eins fljótt og auðið er.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 16. janúar 2003.

- 5) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um landbúnaðarskýrslur.

SAMÞYKKT REGLUGERÐ ÞESSA:

1. gr.

1. Danmörk, Þýskaland, Holland, Austurríki, Svíþjóð og Breska konungsríkið hafa heimild til að nota fyrirbyggjandi upplýsingar úr öðrum heimildum en tölfræðilegum könnunum í kannanir á framleiðsluskipan á bújörðum 2003. Heimildirnar, sem nota á, eru tilgreindar í I. viðauka við þessa reglugerð.

2. Aðildarríkin, sem um getur í 1. mgr., skulu gera nauðsynlegar ráðstafanir til að tryggja að þessar upplýsingar séu a.m.k. jafnvandaðar og upplýsingarnar sem fengnar eru úr tölfræðilegum könnunum.

2. gr.

Aðildarríkin skulu tilkynna um fullgilt, einstök gögn úr könnuninni á framleiðsluskipan bújarða 2003 innan frestsins sem er tilgreindur í II. viðauka.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

Fyrir hönd framkvæmdastjórnarinnar,

Franz FISCHLER

framkvæmdastjóri.

(*) Þessi EB-gerð birtist í Stjtið. EB L 12, 17.1.2003, bls. 5. Hennar var getið í ákvörðun sameiginlegu EES-nefndarinnar nr. 161/2003 frá 7. nóvember 2003 um breytingu á XXI. viðauka (Hagskýrslugerð) við EES-samninginn, sjá *EES-viðbætur við Stjórnartíðindi Evrópusambandsins* nr. 7, 12.2.2004, bls. 41.

⁽¹⁾ Stjtið. EB L 56, 2.3.1988, bls. 1.

⁽²⁾ Stjtið. EB L 24, 26.1.2002, bls. 16.

I. VIÐAUKI

Heimildir, aðrar en tölfræðilegar kannanir, sem heimilt er að nota í könnunum á framleiðsluskipan á bújörðum 2003:

Danmörk	Samþætta stjórnunar- og eftirlitskerfið
Þýskaland	Samþætta stjórnunar- og eftirlitskerfið
Holland	Samþætta stjórnunar- og eftirlitskerfið Skrá yfir innlendan landbúnað ⁽¹⁾
Austurríki	Samþætta stjórnunar- og eftirlitskerfið Kerfi fyrir auðkenningu og skráningu nautgripa
Svíþjóð	Samþætta stjórnunar- og eftirlitskerfið Kerfi fyrir auðkenningu og skráningu nautgripa
Breska konungsríkið	Samþætta stjórnunar- og eftirlitskerfið Kerfi fyrir auðkenningu og skráningu nautgripa Skrá yfir bújarðir með lífræna ræktun

⁽¹⁾ Sett upp samkvæmt innlendra lögjöf.

Samþætta stjórnunar- og eftirlitskerfið var tekið upp í samræmi við reglugerð ráðsins (EBE) nr. 3508/92 ⁽²⁾ og reglugerð framkvæmdastjórnarinnar (EBE) nr. 3887/92 frá 23. desember 1992 ⁽³⁾.

Miðlæga nautgripaskráningin var tekin upp í samræmi við reglugerð Evrópuþingsins og ráðsins (EB) nr. 1760/2000 ⁽⁴⁾.

Skrá yfir lífræna ræktun var gerð í samræmi við reglugerð ráðsins (EBE) 2092/91 ⁽⁵⁾.

⁽²⁾ Stjtið. EB L 355, 5.12.1992, bls. 1.

⁽³⁾ Stjtið. EB L 391, 31.12.1992, bls. 36.

⁽⁴⁾ Stjtið. EB L 204, 11.8.2000, bls. 1.

⁽⁵⁾ Stjtið. EB L 198, 22.7.1991, bls. 1.

II. VIÐAUKI

Frestur fyrir tilkynningu um fullgilt, einstök könnunargögn til Hagstofu Evrópubandalaganna:

Aðildarríki	Könnunartímabil	Frestur:
Belgía	Mai 2003	31.8.2004
Danmörk	Mai 2003	31.8.2004
Þýskaland	Mai til júní 2003	31.12.2004
Grikkland	Nóvember til desember 2003	31.12.2004
Spánn	Október til desember 2003	31.12.2004
Frakkland	Október til desember 2003	31.12.2004
Írland	Júní til ágúst 2003	31.8.2004
Ítalía	Október til desember 2003	31.12.2004
Lúxemborg	Mai til júní 2003	31.8.2004
Holland	Apríl til júní 2003	31.8.2004
Austurríki	Desember 2003	31.12.2004
Portúgal	Nóvember 2003 til febrúar 2004	31.12.2004
Finnland	Mai og nóvember 2003	31.8.2004
Svíþjóð	Júní 2003	31.8.2004
Breska konungsríkið	Febrúar til október 2003	31.8.2004